


 Republika e Kosovës Republika Kosovo Republic of Kosovo	KUVENDI I KOMUNËS SKUPŠTINA OPŠTINE MUNICIPAL ASSEMBLY		 Komuna e Istogut Opština Istok Municipality of Istog
	001 Nr.37 /2026	Data: 30.03.2026	

Kuvendi i Komunës në baze të nenit 40 paragrafi 40.2 pika d) të Ligjit për Vetëqeverisje Lokale nr.03/L-040 (Gazeta Zyrtare e Republikës së Kosovës nr.28/2008) dhe nenit 33 paragrafi 33.1 pika 4 të Statutit të Komunës së Istogut 01Nr.62/2010, në mbledhjen e mbajtur me 31.01.2024 Shqyrtoj Raportin Vjetor te Ekipit për të Drejtat e Fëmijëve për vitin 2025 - Istog, dhe nxjerri këtë:

**NJOFTIMIN ME  
RAPORTIN VJETOR I EKIPIT PËR TË DREJTAT E FËMIJËVE PËR VITIN  
2025 - ISTOG**

1. Kuvendi i Komunës shqyrtojë dhe debatoj Raportin Vjetor te Ekipit për të Drejtat e Fëmijëve për vitin 2025 - Istog.
2. Raporti është pjesë përbërës e këtij njoftimi.
3. Me kopje të këtij Njoftimi të njoftohen: Zyra përgjegjëse e ketij raporti dhe një kopje mbetet në arkivin e Kuvendi.

	REPUBLIKA E KOSOVES REPUBLIKA KOSOVA KOMUNA E ISTOGUT OPŠTINA ISTOK DIREKTORATI PËR ADMINISTRATË DREKTORAT UPRAVE	
Nr./Br. <u>001-039-23</u> Nr. i faq/Br.str. <u>1</u>		
Data: Datum <u>31</u> / <u>03</u> / <u>2026</u> ISTOG • ISTOK		

Kryesuesi i Kuvendit  
z. Enver Rugova

*E Rugova*





Republika e Kosovës  
Republika Kosovo  
Republic of Kosova



Komuna e Istogut  
Opština Istok  
Municipality of Istog

01 Nr.Br 1405/2025

Data: 30.12.2025

## **Raporti Vjetor 2025 i Planit të Punës për Ekipin Komunal për të Drejtat e Fëmijës Istog (2024 - 2026)**

### **1. Anëtarët përgjegjës për realizimin e aktiviteteve sipas Planit të Punës për Ekipin Komunal për të Drejtat e Fëmijës, Istog (2024-2026)**

- 1.1. Ilir Ferati - Kryetari i Komunës, Kryesues i Ekipit;
- 1.2. Merita Bytyçi - Drejtorja për Mirëqenie Sociale, zëvendës kryesuese e Ekipit;
- 1.3. Naim Behlulaj - Drejtorja për Arsim, anëtar;
- 1.4. Zenel Shatri - Drejtorja për Shëndetësi, anëtar;
- 1.5. Vlora Vuthaj - Drejtorja për Kulturë, Rini dhe Sport, anëtare;
- 1.6. Genc Ademaj - Drejtorja për Buxhet dhe Financa, anëtar;
- 1.7. Liridona Lajçi - Anëtar i deleguar nga Komiteti për Politikë dhe Financa i Kuvendit të Komunës, anëtare;
- 1.8. Afrim Istrefaj - Anëtar i deleguar nga Komiteti për Komunitete i Kuvendit të Komunës, anëtar;
- 1.9. Vlora Gjoci - Zyrtare për Mbrojtje të Fëmijëve dhe Riintegrim, Sektori për të Drejtat e Njeriut dhe Komunitete, anëtare/sekretare e Ekipit;
- 1.10. Fadil Hoxhaj - Policia, anëtar;
- 1.11. Haki Ibrahimaj - Qendra për Punë Sociale, anëtar;
- 1.12. OJQ "Vision 02" - Përfaqësues nga Shoqëria Civile, anëtar;

### **2. Në cilësinë e anëtarëve vëzhgues dhe këshilltarëve të jashtëm janë:**

- 2.1 Erin Gërguri - Përfaqësuesi i fëmijëve apo grupit të fëmijëve;
- 2.2. Enver Balaj - Kryetari i Këshillit të Prindërve;
- 2.3. Përfaqësuesi nga zyra rajonale e Institucionit të Avokatit të Popullit;
- 2.4. Përfaqësuesi i organizatave vendore dhe ndërkombëtare;

Në vitin 2025 nga Ekipi për të Drejtat e Fëmijës në Istog janë mbajtur 4 takime të rregullta, ashtu siç janë të parapara me Udhëzim Administrativ (QRK) Nr.06/2022 për Themelimin dhe Funksionimin e Ekipit për të Drejtat e Fëmijës, si dhe në kuadër të Planit të Punës për Ekipin Komunal për të Drejtat e Fëmijës, Istog (2024 - 2026) nga anëtarët përkatës të Ekipit janë realizuar aktivitete të cilat janë të përfshira në gjashtë fushat e Planit të Punës për vitin 2025:

- Shërbime cilësore e gjithëpërfshirëse për fëmijë
- Vetëdijësimi dhe avokimi për fëmijë
- Hapësira të sigurt dhe miqësore për fëmijë
- Sporti, loja dhe rekreacioni për fëmijë
- Pjesëmarrja e fëmijëve në vendimmarrje
- Koordinim, vlerësimi dhe raportimi.

#### **Takimet e Ekipit për të Drejtat e Fëmijës gjatë vitit 2025:**

**Takimi i parë i Ekipit për të Drejtat e Fëmijës** është mbajtur me qëllim të diskutimit lidhur me rezultatet e arritura dhe sfidat e Raportit Vjetor 2024 të Planit të Punës për Ekipin Komunal për të Drejtat e Fëmijës Istog (2024 - 2026), si dhe organizimi i aktiviteteve të Planit të Punës së Ekipit (2024-2026) për tremujorin e parë të vitit 2025.

**Takimi i dytë i Ekipit për të Drejtat e Fëmijës** është mbajtur me rastin e shënimit të 1 Qershorit - Ditës Ndërkombëtare të Fëmijëve, i cili ishte takimi i përbashkët ndërmjet përfaqësuesve të Asamblesë Komunale të Fëmijëve në Istog dhe anëtarëve të Ekipit për të Drejtat e Fëmijës.

Qëllimi i këtij takimi të përbashkët ishte krijimi i mundësisë së përfaqësuesve të Asamblesë Komunale të Fëmijëve të ngritin çështje të rëndësishme që prekin të drejtat dhe mirëqenien e të gjithë fëmijëve, duke përfaqësuar në këtë mënyrë me dinjitet shkollat komunitetin që përfaqësojnë.

**Takimi i tretë i Ekipit për të Drejtat e Fëmijës** është mbajtur me qëllim të diskutimit dhe koordinimit të aktiviteteve të cilat janë të planifikuara në Planin e Punës. Gjatë takimit u miratua procesverbali i takimit të dytë të Ekipit për të Drejtat e Fëmijës, ndërsa diskutimet u fokusuan në Raportin Gjashtëmujor Janar – Qershor 2025, i cili reflekton përkushtimin e institucioneve në realizimin e të drejtave të fëmijëve dhe në përmbushjen e objektivave të Planit të Punës për Ekipin Komunal për të Drejtat e Fëmijës Istog (2024 - 2026).

#### **Rekomandime të dala nga ky takim:**

- Të mbahen punëtori më anëtarët e Ekipit për të Drejtat e Fëmijës më fokus tek tema për parandalimin e dhunës ndaj fëmijëve si dhe siguria dhe mirëqenia e fëmijëve në shkolla dhe komunitet;
- Takime vetëdijësuese me mësuesin, prindër dhe nxënës për parandalimin e dhunës;

**Takimi i katërt dhe përmbyllës i Ekipit për të Drejtat e Fëmijës** është mbajtur me anëtarët e këtij Ekipi dhe si qëllim kishte miratimin e procesverbalit nga takimi i tretë i Ekipit si dhe diskutimin më në detaje mbi implementimin e aktiviteteve, me fokus të veçantë aktivitetet që janë realizuar përgjatë vitit 2025.

Ky takim shërbeu gjithashtu si reflektim mbi punën e deritanishme dhe si një bazë e fortë për planifikimet dhe angazhimet e ardhshme mbi implementimin e aktiviteteve të Planit të Punës për Ekipi Komunal për të Drejtat e Fëmijës, Istog (2024-2026).

**Rekomandime të dala nga takimi i katërt dhe përmbyllës i Ekipit për të Drejtat e Fëmijës:**

- Organizimi i aktiviteteve informuese dhe edukuese në bashkëpunim me institucionet përkatëse në fushën e mbrojtjes së fëmijëve për rastet e fëmijëve në situatë rrugë;
- Bashkëpunim me funksional ndërmjet Këshillit të Prindërve dhe shkollave lidhur me çështjet e sigurisë në shkolla sa i përket përdorimit të narkotikëve, armeve të ftohta dhe mjeteve të tjera që janë të rrezikshme dhe nuk janë të lejuara;
- Krijimi i një databazë nga Drejtoria Komunale e Arsimit për identifikimin dhe regjistrimin e talenteve të rinjë në fusha të ndryshme;

**Aktivitetet e realizuara përgjatë vitit 2025 nga Anëtarët e Ekipit për të Drejtat e Fëmijës sipas Planit të Punës për Ekipi Komunal për të Drejtat e Fëmijës, Istog (2024-2026)**

**1. Aktivitetet e realizuara nga Drejtoria për Mirëqenie Sociale – Qendra për Punë Sociale**

**Objektiva Strategjike 1:** Ofrimi i shërbimeve cilësore gjithëpërfshirëse për fëmijët në komunë

**Objektiva specifike 1.1:** Krijimi i një sistemi informues shumëdimensional për llojet e shërbimeve sociale në komunë

**Rezultatet 1.1:** Në kuadër të shërbimeve sociale nga Qendra për Punë Sociale përgjatë vitit 2025 janë ofruar shërbime të ndryshme për kategoritë si në vijim:

	Kategoritë	Nr i rasteve	Përshkrimi Shërbimeve të ofruara në Sektorin e Shërbimeve Sociale
1.	Fëmijë të braktisur	2	Përcaktimi i kujdestarit ligjor, vendosja në strehim familjar, ndihmat e përgjithshme për familjet strehuese dhe për fëmijë, puna me familjen biologjike , regjistrimi i fëmijut në LAL, puna me familjen potenciale adoptuese etj.
2.	Adoptim	0	Adoptimi është një aspekt i mbrojtjes së fëmijës, vlerësimi i familjes për adoptim dhe monitorimi i fazës paraadoptuese
3.	Keqtrajtimit i fëmijës	8	Këshillim psiko-social me familje

4.	Strehim familjar në familje strehuese	12 (2 fëmijë të rikthyer në familjen biologjike)	Ofrimi i strehimit fëmijëve të braktisur dhe të lënë pas dore dhe përcjellja e trajtimit të fëmijëve në familje strehuese
5.	Strehim familjar tek të afërmit	0	Ofrimi i strehimit tek familja e gjerë dhe përcjellja e zhvillimit dhe trajtimit të tyre
6.	Kujdestaria për të mitur	2	Fëmijëve pa kujdes prindëror u caktohet kujdestari ligjor
7.	Fëmijë me aftësi të kufizuar të plotë	20	Kompletimi i dokumentacionit, pas vlerësimit të komisionit mjekësor pozitivisht për kërkesën ofrohet pagesa përkatëse si dhe monitorimi i Qendrës Ditore për FAKP dhe udhëzimet e nevojshme
8.	Braktisje e shkollës	8	Bashkëpunimi shkollë -- prind -- fëmijë si dhe këshillime për të gjitha këto në interes më të mirë të fëmijëve
9.	Fëmijë me vështirësi në sjellje	39	Këshillime psiko-sociale për të mitur
10.	Të mitur në konflikt me ligjin	64	Këshillim dhe ofrim i shërbimit përkatës për referim në institucionet relevante
11.	Martesa e të miturve	0	Vlerësimi i pjekurisë emocionale të të miturve të cilët dëshirojnë të hyjnë në martesë si dhe referimi në institucionet tjera.
12.	Ikje nga shtëpia	0	Këshillim psiko-social, rikthim në familje dhe përcjellja e zhvillimit të përgjithshëm të të miturit
13.	Besim i fëmijës	9	Besimi i fëmijës kërkohet nga Gjykata që Organi i Kujdestarisë të jap mendimin se cili është interesi më i mirë i fëmijës kujt t'i besohet , realizohen vizita në familje rreth identifikimit të kushteve ekonomike dhe sociale të të dy prindërve.
14.	Kontaktme	9	Me vendim të Gjykatës ku specifikohet që kontaktimi të mbahet në QPS ne i përcjellim rastet që këto kontaktme të realizohen në mënyrë të duhur.

**Objektiva specifike 1.2:** Ndarja e fondit për fëmijët në rrethana të jashtëzakonshme

**Rezultatet 1.2:** Kontraktimi i operatorëve lokal për ofrimin e shërbimeve emergjente për fëmijët si: (mallra, ushqim, transport, etj.) për furnizim me ushqim dhe veshmbathje për fëmijët në nevojë, në situata rruge duke u bazuar nga raportet e organit të kujdestarisë

**Objektiva specifike 1.3:** Fuqizimi i konceptit të familjeve strehuese dhe farefisnore

**Rezultatet 1.3:** Komuna e Istogut i ka përmbushur standardet minimale të strehimit familjar dhe ka arritur të ketë gjithsej 3 familje strehuese, të cilat i kanë gjithsej 12 fëmijë në strehim familjar, 5 nga të cilët janë nga komuna jonë kurse 7 nga komuna të tjera.

Nga Komuna e Istogut dhe organizatat e ndryshme, familjet strehuese dhe fëmijët në strehim po ashtu kanë përkrahje të vazhdueshme në forma të ndryshme financiare dhe materiale (pako ushqimore dhe higjienike).

**Objektiva specifike 1.11:** Identifikimi i hershme i fëmijëve me nevoja të veçanta

**Rezultatet 1.11:** Qendra për Punë Sociale në kuadër të angazhimit për përmirësimin e qasjes në shërbime, ka organizuar një sërë sesionesh informuese me prindërit e fëmijëve me aftësi të kufizuara të veçanta ku janë diskutuar nga afër sfidat dhe nevojat konkrete të familjeve duke u mundësuar prindërve që të ndajnë përvojat dhe shqetësimet e tyre dhe janë njoftuar për shërbimet që do të ju ofrohen nga komuna.

**Rezultatet 1.11:** Nga Drejtoria për Mirëqenie Sociale janë organizuar aktivitete të ndryshme për fëmijët me nevoja të veçanta.

- Aktivitet më rastin e shënimit të 1 Qershorit – Ditës Ndërkombëtare të Fëmijëve ku janë organizuar lojëra dhe aktivitete të ndryshme argëtuese për t'i festuar dhe për t'u dhënë një ditë të veçantë plot gëzim dhe kujtime të bukura.
- Aktivitete mes nxënësve dhe të moshuarve për ruajtjen e vlerave tradicionale, ku në kuadër të bashkëpunimit ndërmjet SHFMU “Martin Camaj” dhe Shtëpisë së Pleqve në Gurrakoc, janë realizuar një sërë aktivitete me karakter edukativ dhe social, me qëllim forcimin e lidhjeve ndërmjet brezave dhe promovimin e vlerave tradicionale.
- Një ndër aktivitetet më domethënëse ka qenë “Gara e Gatimit”, ku fëmijët dhe të moshuarit kanë ndarë përvoja dhe receta tradicionale, duke përgatitur ushqime së bashku në një atmosferë të ngrohtë dhe bashkëpunuese.
- Aktivitet tjetër nga nxënësit e SHFMU “Martin Camaj” ishte realizimi i projektit “Kopshtaria Humanitare” – një iniciativë për ndërtimin e një kopshti të përbashkët në ambientet e Shtëpisë së Pleqve. Gjatë këtij aktiviteti, u mbollën lule të ndryshme me pjesëmarrjen aktive të të moshuarve dhe fëmijëve, duke nxitur ndjeshmërinë sociale dhe kujdesin për mjedisin. Këto iniciativa dëshmojnë rëndësinë e ndërtimit të marrëdhënieve ndërmjet brezave dhe promovimit të solidaritetit në komunitet.
- Shënimi i 3 Dhjetorit – Dita Ndërkombëtare e Personave me Aftësi të Kufizuara ku po në këtë ditë përveç shënimit të aktivitetit është realizuar edhe shpërndarja e dhuratave për fëmijë me aftësi të kufizuara.

**Objektiva specifike 1.12:** Ofrimi i shërbimeve të veçanta për kategoritë e fëmijëve në nevojë

**Rezultatet 1.12:**

- Janë subvencionuar organizatat e licencuara që ofrojnë shërbime shumëdimensionale dhe rehabilitim të bazuar në bashkësi, për fëmijët me aftësi të kufizuara si OJQ “Handikos” në Istog dhe “Qendra për Jetë të Pavarur” me seli në Pejë, për ofrimin e shërbimeve ditore për fëmijët me nevoja të veçanta.
- Drejtoria për Mirëqenie Sociale, në kuadër të projektit SOR13 të mbështetur nga organizatat NALAS dhe GIZ, ka bërë të mundur ofrimin e një game të gjerë shërbimesh për fëmijët me nevoja të veçanta në komunën e Istogut dhe si rezultat këta fëmijë përfitojnë nga trajtime logopedike, mbështetje psikologjike dhe asistencë sociale të ofruara nga profesionistë të kualifikuar, duke ndihmuar në zhvillimin e tyre personal dhe përfshirjen e tyre më të plotë në shoqëri.
- Qendra për Punë Sociale në kuadër të angazhimit për përmirësimin e qasjes në shërbime, ka organizuar një sërë sesionesh informuese me prindërit e fëmijëve me nevoja ku janë diskutuar nga afër sfidat dhe nevojat konkrete të familjeve duke u mundësuar prindërve që të ndajnë përvojat dhe shqetësimet e tyre dhe janë njoftuar për shërbimet që do të ju ofrohen nga komuna.

## 2. Aktivitetet e realizuara nga Drejtoria për Kulturë, Rini dhe Sport

**Objektiva strategjike 3:** Krijimi i hapësirave publike të sigurta dhe miqësore për fëmijët

**Objektiva specifike 3.1:** Sigurimi i sistemit të trafikut të është i sigurt dhe miqësor për fëmijët

**Rezultatet 3.1:** Në kuadër të këtij objekti, është trajtuar si çështje prioritare dhe mjaft specifike siguria e fëmijëve në ambientet shkollore në territorin e komunës.

Në këtë drejtim, gjatë vitit raportues janë realizuar ndërhyrjet vijuese në Sh.F.M.U. “Hysni Zajmi” në Vrellë:

- Është rregulluar oborri i sallës së sporteve, duke mundësuar qasje të kontrolluar për automjetet, pa e penguar procesin mësimor dhe pa cenuar sigurinë e nxënësve.
- Përreth kësaj hapësire është realizuar mbjellja e barit, me qëllim të rritjes së gjelbërimit dhe krijimit të një ambienti më të shëndetshëm, të sigurt dhe më miqësor për fëmijët.

Këto ndërhyrje kanë kontribuar në përmirësimin e kushteve të sigurisë dhe mirëqenies së nxënësve, si dhe në krijimin e hapësirave shkollore funksionale dhe të përshtatshme për zhvillimin e aktiviteteve arsimore dhe sportive.

**Objektiva Strategjike 4:** Zhvillimi i fëmijëve përmes sporteve, lojës dhe rekreacionit

**Objektiva specifike 4.1:** Promovimi i sportit nëpër shkolla

**Objektiva specifike 4.2:** Funkcionalizimi i klubeve sportive të kategorive të reja

**Rezultatet në Sport 4.1 dhe 4.2:** DKRS ka kontaktuar me mësimdhënësit e edukatës fizike dhe, bazuar në informatën e pranuar, është konstatuar se në të gjitha shkollat e Komunës së Istogut funksionojnë klube sportive aktive në kuadër të programit “Sporti Shkollor”, të cilat zhvillojnë aktivitete sportive në disiplina të ndryshme.

Gjatë periudhës Janar - Dhjetor - DKRS ka organizuar dhe përkrahur një sërë aktiviteteve sportive dhe kulturore, si për fëmijët anëtarë të klubeve sportive, ashtu edhe për nxënësit e shkollave të Komunës së Istogut.

### **SPORT**

- Organizimi i aktiviteteve tradicionale sportive, siç është Turniri Tradicional në Hendboll nga Shkolla Filllore e Mesme e Ulët “Tre Dëshmorët e Shkollës Shqipe” në Uçë.
- Kategorizimi i klubeve sportive, nga i cili përfitojnë të gjitha klubet sportive, duke marrë parasysh se shumica e anëtarëve të klubeve sportive në Komunën e Istogut janë fëmijë.
- Rregullimi dhe përmirësimi i hapësirave dhe objekteve sportive, ku përfshihen:
  - Përfundimi i ndërtimit të Fushës Ndihmëse të Futbollit me bar sintetik;
  - Palestra e Sporteve është ende në proces të punimeve, ndërsa të gjitha klubet sportive janë sistemuar në hapësira alternative deri në përfundimin e punimeve;

- Mirëmbajtja e fushës sportive;
- Përfundimi me sukses i ndërtimit të Sallës Sportive të SHFMU “Hysni Zajmi” në Vrellë, me vlerë investimi prej 200,000 euro gjatë vitit 2025, ku tashmë kanë filluar aktivitetet fizike dhe rekreative për nxënësit.

**Objektiva Strategjike 4:** Zhvillimi i fëmijëve përmes sporteve, lojës dhe rekreacionit

**Objektiva specifike 4.3:** Promovimi i artit, kulturës dhe teknologjisë

**Objektiva specifike 4.4:** Ofrimi i hapësirave joformale për rekreacion

**Objektiva specifike 4.5:** Angazhimi i fëmijëve në aktivitete të lira dobiprurëse për komunitetin

**Rezultatet në Kulturë 4.3 4.4 dhe 4.5:** Gjatë periudhës raportuese, DKRS ka organizuar dhe përkrahur një sërë aktivitetsb kulturore dhe artistike me qëllim promovimin e vlerave kulturore, edukative dhe krijuese të fëmijët dhe të rinjtë e Komunës së Istogut.

## KULTURË

- Koncert festiv për fëmijë “Kosova 17”, i organizuar me rastin e shënimit të Ditës së Pavarësisë së Republikës së Kosovës.
- Program kulturoro-artistik me këngë dhe valle popullore, i mbajtur me rastin e 12 Prillit – Dita e Dëshmorëve të Istogut, i realizuar nga fëmijët e Shtëpisë së Kulturës “Adem Jashari”.
- Promovimi i përmbledhjes poetike “Zjarri i Fjalës”, që përmban krijime letrare të nxënësve të shkollave të Komunës së Istogut.
- Promovimi i librit “Dritë në Errësi”, me autore nxënëse të SHML “Haxhi Zeka”, duke inkurajuar krijimtarinë letrare te të rinjtë.
- Me rastin e Ditëve të Bashkatdhetarëve, janë organizuar aktivitete kulturore dhe rekreative për tre net radhazi, përfshirë:
  - Koncerte për fëmijë;
  - Aktivitete sportive të organizuara nga Klubi i Futbollit të Femrave “KFF Istogu”, të mbajtura për dy net radhazi në Parkun e Qytetit;
  - Aktiviteti kreativ “Pikturojmë së bashku”, i realizuar me fëmijët që frekuentojnë Parkun e Qytetit.
- Koncert për fëmijë, i organizuar për nder të 28 Nëntorit - Ditës së Flamurit Kombëtar.

### 3. Aktivitetet e realizuara nga Drejtoria e Shëndetësisë

**Objektiva Strategjike 1:** Ofrimi i shërbimeve cilësore gjithëpërfshirëse për fëmijët në komunë

**Objektiva specifike 1.9:** Promovimi shëndetësor, përmes informimit, komunikimit dhe edukimit

#### **Rezultatet 1.9:**

- Zhvillohen kapacitetet e profesionistëve shëndetësorë për kujdes shëndetësor ndaj nënës dhe fëmijës, për këshillim për të ushqyerit e foshnjave dhe fëmijëve të vegjël dhe për përkrahjen e zhvillimit në fëmijërinë e hershme.
- Gjatë vitit 2025, për programet e kujdesit për nëna dhe fëmijë, të organizuara nga Ministria e Shëndetësisë dhe organizatat e tjera, janë trajnuar 10 infermiere dhe mami si dhe 5 mjekë.

**Objektiva specifike 1.10:** Organizimi i vizitave multidisiplinare shëndetësore për fëmijët, në baza periodike

#### **Rezultatet 1.10:**

- Në kuadër të zbatimit të politikave shëndetësore të Ministrisë së Shëndetësisë, QKMF-ja ofron shërbime të organizuara dhe sistematike për kujdesin ndaj nënës dhe fëmijës. Ky program ka për qëllim të sigurojë mbrojtjen e shëndetit të nënave dhe fëmijëve përmes vizitave të rregullta, edukimit shëndetësor dhe ndjekjes së vazhdueshme gjatë shtatzënisë dhe pas lindjes.  
Programi i vizitave shtëpiake është të sigurojë qasje të barabartë në shërbime shëndetësore për të gjithë qytetarët, veçanërisht për ata që për arsye shëndetësore, sociale apo ekonomike nuk kanë mundësi të vizitojnë qendrën shëndetësore.  
Përmes programit të Ministrisë së Shëndetësisë janë trajnuar stafi infermioror i QKMF, QMF dhe i AMF, për vizitat e kujdesit shëndetësorë për nëna dhe fëmijë.
- Nga ekipi për kujdesin shtëpiak gjatë vitit 2025 për nëna dhe fëmijë janë realizuar gjithsej **719 vizita**, vizita të cilat janë realizuar duke i zbatuar programet e Ministrisë së Shëndetësisë.
- Zbatimi i praktikave efektive të kujdesit perinatal ku përmes trajnimeve dhe implementimit të protokolleve të reja të lëshuara nga Ministria e Shëndetësisë, stafi i QKMF-së ofrojnë praktikave më efektive për kujdes perinatal.
- Gjatë vitit 2025 janë të angazhuara dy ekipe vetëm për ofrimin e vizitave shtëpiake, që përfshijnë të gjitha ndërhyrjet infermiere, dhe vizita e mjekut kur është e nevojshme.
- Në vitin 2025, në gjitha institucionet shkollorë: para fillorë, fillore dhe të mesme në gjithë komunën e Istogut është realizuar programi i vizitave sistematike, në të cilin program janë përfshirë mjekë familjarë, stomatolog dhe infermierë. Ky program përfshin shërbime të organizuara për kontrollin, parandalimin dhe promovimin e shëndetit të nxënësve.

#### **4. Aktivitetet e realizuara nga zyrtarja për Mbrojtje të Fëmijëve dhe Riintegrim - Sektori për të Drejtat e Njeriut dhe Komunitete – Drejtoria për Administratë Komunale**

**Objektiva Strategjike 1:** Ofrimi i shërbimeve cilësore gjithëpërfshirëse për fëmijët në komunë

**Objektiva specifike 1.3:** Fuqizimi i konceptit të familjeve strehuese dhe farefisnore

**Rezultatet 1.3:**

##### **15 Maji “Dita Ndërkombëtare e Familjes”**

Me rastin e shënimit të 15 Majit “Dita Ndërkombëtare e Familjes” nga zyrtarja për Mbrojtje të Fëmijëve dhe Riintegrim, Sektori për të Drejtat e Njeriut dhe Komunitete në kuadër të Drejtorisë për Administratë Komunale është organizuar një tryezë me familjet strehuese në Istog, më qëllim të diskutimit për përvojat e tyre, nevojat dhe sfidat që i hasin si familje strehuese gjatë strehimit të fëmijëve pa përkujdesje prindërore, të braktisur nga lindja, keqtrajtuar e të neglizhuar nga familja e tyre biologjike.

Tryeza e mbajtur ishte një mundësi që familjet strehuese të diskutojnë hapur mbi vështirësitë që hasin gjatë strehimit të fëmijëve dhe një mundësi për të dëgjuar njëri - tjetrin, për të mësuar për përvojat e ndryshme dhe për të gjetur zgjidhje të përbashkëta që e lehtësojnë këtë rrugëtim.

**Objektiva Strategjike 2:** Zbatimi i programeve të vetëdijesimit dhe avokimit për mirëqenien e fëmijëve

**Objektiva specifike 2.2** Organizimi i fushatave vetëdijësuese për të rriturit dhe për fëmijët

**Rezultatet 2.2:**

##### **Fushata vetëdijësuese me nxënës/e për promovimin e Ekipit për të Drejtat e Fëmijës dhe Planin e Punës për Ekipin Komunal për të Drejtat e Fëmijës, Istog (2024-2026)**

Nga anëtarët e Ekipit për të Drejtat e Fëmijës në bashkëpunim me organizatën “Syri i Vizionit” janë mbajtur sesione informuese me nxënës për promovimin e Ekipit për të Drejtat e Fëmijës dhe prezantimin e Planit të Punës për Ekipin Komunal për të Drejtat e Fëmijës, Istog (2024-2026) në të gjitha shkollat e komunës së Istog.

Në këto sesione kanë marrë pjesë drejtorë, drejtoresha të shkollave, koordinator/e, mësimdhënës/e si dhe përfaqësues të nxënësve/fëmijëve të të gjitha komuniteteve nga klasa VI, VII, VIII, IX, X dhe XI.

- Si rezultat nga sesionet e mbajtura me nxënës për promovimin e Ekipit për të Drejtat e Fëmijës dhe Planit të Punës për Ekipin Komunal për të Drejtat e Fëmijës, Istog (2024-2026) janë informuar gjithsej 404 nxënës/e prej tyre 182 M dhe 222 F.

### Rekomandime të dalta nga sesionet e mbajtura me nxënës/e:

- Mbajtja e fushatave parandaluese kundër dhunës dhe bullizmit në shkolla;
- Informimi i nxënësve për të drejtat dhe përgjegjësitë e tyre;
- Pajisja e shkollave më mjetet e duhura që lëndët mësimore të realizohen me instrumente konkrete sidomos Kabineti i Biologjisë, Fizikës, Tikut, Muzikës;
- Të këtë pjesëmarrje më të madhe të fëmijëve në vendimmarrje dhe të dëgjohet zëri i tyre;
- Të ketë hapësira më të mëdha në shkolla për lojë, sport dhe rekreacion;
- Pajisja e bibliotekës më orendi dhe hapësira më të mëdha për lexim;
- Hapja e bufeve në shkolla;
- Furnizimi i shkollave më mobile të reja në shkolla (banka, karrige);
- Higjiena në ambientet e shkollës;

### Numri i nxënësve/fëmijëve të informuar sipas shkollave dhe gjinisë

Shkollat	Numri nxënësve	Meshkuj	Femra
Hysni Zajmi - Vrellë	43	21	22
Zymer Zeka - Kaliqan	36	18	18
Trepça – Banjë,	32/8	7/6	25/2
Mehmet Akif - Shushicë	17	7	10
Tre Dëshmorët e Shkollës Shqipe - Uçë	24	12	12
Ndre Mjeda - Rakosh	34	17	17
Martin Camaj - Gurrakoc	13	9	4
IAAP Mithat Frashëri - Gurrakoc	31	19	12
Fan S.Noli - Llukafë i Begut dhe Dobrushë	32/40	14/22	18/18
Ismail Qemali - Saradran	30	9	21
Avni Rustemi - Zallq	15	4	11
Bajram Curri - Istog	24	9	15
Gjimnazi Haxhi Zeka - Istog	22	8	14
<b>Total</b>	<b>404</b>	<b>182</b>	<b>222</b>

## **21 Marsi “Dita Ndërkombëtare e Sindromës Down”**

Në kuadër të Ditës Ndërkombëtare të Sindromës Down, Sektori për të Drejtat e Njeriut dhe Komunitete – Drejtoria për Administratë Komunale, në bashkëpunim me OJQ “Handikos” në Istog dhe iniciuesën e këtij aktiviteti, Fatbardha Hakaj Demaj, kryetare e Këshillit të Prindërve të Kopshtit “Gëzimi Ynë”, ka organizuar një aktivitet të veçantë në “Parkun e Qytetit” në Istog.

Ky aktivitet ka mbledhur së bashku prindër dhe fëmijë/persona me Sindromën Down, me qëllim të gjithëpërfshirjes dhe mbështetjes për këtë komunitet dhe u promovua mesazhi për një shoqëri më të barabartë dhe më të ndjeshme ndaj diversitetit.

Aktiviteti është pjesë e përpjekjeve të vazhdueshme për të rritur ndërgjegjësimin dhe për të ndërtuar një shoqëri që i pranon dhe i mbështet të gjithë pa dallim.

## **12 Prill “Dita Ndërkombëtare e Fëmijëve në Situatë Rruge”**

Me rastin e shënimit të 12 – Prillit, “Dita Ndërkombëtare e Fëmijëve në Situatë Rruge” nga zyrtarja për Mbrojtje të Fëmijëve dhe Riintegrim, Sektori për të Drejtat e Njeriut dhe Komunitete në kuadër të Drejtorisë për Administratë Komunale në SHFMU “Martin Camaj” në Gurrakoc, është mbajtur një ligjëratë informuese më nxënës të klasave VI dhe VII.

Qëllimi i ligjëratës ishte informimi i nxënësve për parandalimin e dukurisë negative të kërkim-lëmshës nga fëmijët si dhe shkaqet dhe pasojat që krijon dhënia e lëmshës, me theks të veçantë tek fëmijët në situatë rrugë.

**Si rezultat të vetëdijesuar nga kjo ligjëratë janë gjithsej 28 nxënës/e prej tyre 16 M dhe 12 F.**

### **Rekomandime të dalta nga ligjëratat informuese më nxënës/e:**

- Vetëdijesimi në mënyrë të vazhdueshme i fëmijëve dhe qytetarëve në përgjithësi për dukurinë negative të kërkim-lëmshës, e cila po stimulon edhe më shumë që fëmijët të vazhdojnë të dëmtojnë të ardhmen dhe të mos i gëzojnë të drejtat e tyre ashtu si gjithë fëmijët tjerë;
- Raportimi i rasteve të fëmijëve në situatë rrugë në institucionin e Qendrës për Punë Sociale dhe Polici;

## **12 Qershori “Dita Ndërkombëtare kundër Punës së Rëndë të Fëmijëve”**

Në kuadër të Sektorit për të Drejtat e Njeriut dhe Komunitete - Drejtoria për Administratë Komunale me rastin e shënimit të 12 Qershorit “Dita Ndërkombëtare kundër Punës së Rëndë të Fëmijëve”, në FSHMU “Trepça” në Banjë, nga zyrtarja për Mbrojtje të Fëmijëve dhe Riintegrim janë mbajtur dy takime me nxënës/e dhe prindër me temën “Ndërgjegjësimi i prindërve dhe nxënësve për mbrojtjen e fëmijëve nga punët e rënda dhe shfrytëzimi”.

Takimet kishin si qëllim ndërgjegjësimin e prindërve, fëmijëve, institucioneve dhe qytetarëve në përgjithësi për mbrojtjen e fëmijëve nga punët e rënda, kuptimin e punës së lejuar dhe jo të lejuar të punës së fëmijëve, format më të rënda të punës së fëmijëve, shkaqet dhe pasojat e punës së fëmijëve, korniza ligjore dhe institucionale në Kosovë, të autorizuar për të vepruar dhe bashkëpunuar në identifikimin, tërheqjen, rehabilitimin dhe ri integrimin e fëmijëve të angazhuar, procesi i menaxhimit të rasteve dhe raportimi i rasteve të fëmijëve të cilët janë të përfshirë në punë të rënda.

**Si rezultat i këtyre takimeve janë ndërgjegjësuar 38 nxënës/e prej tyre 9 M dhe 29 F, ndërsa prindër ishin prezentë 18 prej tyre 4 M dhe 14 F.**

**Rekomandime të dalta nga prindërit dhe nxënësit :**

- Parandalimi dhe raportimi i rasteve të fëmijëve të përfshirë në punë, tek institucionet përkatëse;
- Takime të vazhdueshme me prindër dhe fëmijë për ndërgjegjësimin e tyre për mbrojtjen e fëmijëve nga punët e rënda dhe shfrytëzimi i tyre si dhe pasojat negative të punës së fëmijëve;
- Marrja e masave të nevojshme nga institucionet përkatëse për rastet e fëmijëve të përfshirë në punë të rënda;

### **“Fushata kundër Trafikimit me Qenie Njerëzore – 2025”**

Në kuadër të Sektorit për të Drejtat e Njeriut dhe Komunitete-Drejtoria për Administratë Komunale, nga Zyrtarja për Mbrojtje të Fëmijëve dhe Riintegrim në bashkëpunim me përfaqësues nga Policia në Istog, ka mbajtur “Fushatën Vetëdijesuese kundër Trafikimit me Qenie Njerëzore 2025” me nxënësit e klasave të VI, VII, VIII, IX.

Qëllimi i kësaj fushate ishte parandalimi i trafikimit me qenie njerëzore, si një nga format më të rënda të shkeljes së të drejtave të njeriut, si dhe rritja e vetëdijes së qytetarëve për:

- Rëndësinë e identifikimit të hershëm të viktimave potenciale të trafikimit,
- Njohjen e faktorëve dhe pasojave që çojnë në trafikim dhe,
- Inkurajimin për raportimin e rasteve pranë institucioneve përgjegjëse,

“Fushata Vetëdijesuese kundër Trafikimit me Qenie Njerëzore - 2025” është mbajtur me nxënës/e të klasave VI - IX, në shkollat: FSHMU “Trepça” Banjë, FSHMU “Bajram Curri” Istog, FSHMU “Ndre Mjeda” Rakosh, FSHMU “Hysni Zajmi” Vrellë, FSHMU “Ismail Qemali” Saradran, FSHMU “Tre Dëshmorët e Shkollës Shqipe” Uçë, FSHMU “Zymer Zeka” Kaliqan, , FSHMU “Martin Camaj” Gurrakoc, SHFMU “Avni Rustemi” Zallq, dhe SHFMU “Mehmet Akif” Shushicë.

☛ **Mesazhi i fushatës: “Trafikimi prek të gjithë! Ta mbrojmë veten dhe fëmijët tanë.”**  
**Slogani: “Mos hesht!”**

**Numri i nxënësve të vetëdijësuar nga kjo fushatë është gjithësej 338 prej tyre 149 M dhe 189 F.**

### **Sesione informuese me nxënës/e me temën “Parandalimi i Bullizmit dhe Dhunës në Shkolla”**

Zyrtarja për Mbrojtje të Fëmijëve dhe Riintegrim në kuadër të Sektorit për të Drejtat e Njeriut dhe Komunitete - Drejtoria për Administratë Komunale ka mbajtur sesione informuese me temën “Parandalimi i Bullizmit dhe Dhunës në Shkolla” me nxënës/e të klasave VI, VII VIII, IX në F.SH.M.U “Hysni Zajmi” në Vrellë, F.SH.M.U “Tre Dëshmorët e Shkollës Shqipe” në Uçë dhe F.SH.M.U “Ismail Qemali” në Saradran.

Sesionet informuese me nxënës/e kishin si qëllim informimin e nxënësve për shkaqet dhe pasojat që ka bullizmi dhe dhuna në shkolla dhe rëndësi të veçantë gjatë këtyre sesioneve i është kushtuar identifikimit, parandalimit dhe raportimit të dhunës si dhe ngritja e vetëdijes për të mos e toleruar bullizmin dhe dhunën në shkolla, sepse dhuna në mjediset e shkollës në të gjitha format e saj është shkelje e të drejtave të fëmijëve dhe adoleshentëve

**Numri i nxënësve të informuar nga këto sesione është gjithsej 87 nxënës/e, prej tyre 42 M dhe 45 F.**

**Objektiva Strategjike 5:** Sigurimi i pjesëmarrjes së fëmijëve në proceset vendimmarrëse për çështjet që lidhen me jetën e tyre.

**Objektiva specifike 5.2:** Fuqizimi i organeve përfaqësuese të fëmijëve

**Rezultatet 5.2:**

**Takimi i parë i Asamblesë Komunale të Fëmijëve në Istog,** është organizuar nga zyrtarja për Mbrojtje të Fëmijëve dhe Riintegrim, Sektori për të Drejtat e Njeriut dhe Komunitete – Drejtoria për Administratë Komunale në bashkëpunim me Drejtorinë për Arsim. Qëllimi i takimit me përfaqësuesit e Asamblesë ishte Prezantimi i Raportit Vjetor 2024 i Asamblesë Komunale të Fëmijëve në Istog, në veçanti diskutimi për kërkesat dhe rekomandimet e dalura nga takimet e mbajtura gjatë vitit 2024.

**Pjesëmarrës/e në takim ishin gjithsej 20 përfaqësuese nga Asambleja prej tyre 8 M dhe 12 F.**

**Takimi i dytë i Asamblesë Komunale të Fëmijëve në Istog,** është organizuar nga zyrtarja për Mbrojtje të Fëmijëve dhe Riintegrim, Sektori për të Drejtat e Njeriut dhe Komunitete – Drejtoria për Administratë Komunale në bashkëpunim me Drejtorinë për Arsim, i cili ishte takimi i përbashkët ndërmjet përfaqësueseve të Asamblesë Komunale të Fëmijëve në Istog dhe anëtarëve të Ekipit për të Drejtat e Fëmijës, me rastin e shënimit të 1 Qershorit - Ditës Ndërkombëtare të Fëmijëve.

Qëllimi i këtij takimi të përbashkët ishte krijimi i mundësisë së tyre që si përfaqësues të Asamblesë Komunale të Fëmijëve të ngritin çështje të rëndësishme që prekin të drejtat dhe mirëqenien e të gjithë fëmijëve, duke përfaqësuar në këtë mënyrë me dinjitet shkollat komunitetin që përfaqësojnë.

**Pjesëmarrës/e në takim ishin gjithsej 19 përfaqësuese nga Asambleja prej tyre 6 M dhe 13 F.**

**Takimi i Tretë i Asamblesë Komunale të Fëmijëve në Istog,** është organizuar nga zyrtarja për Mbrojtje të Fëmijëve dhe Riintegrim, Sektori për të Drejtat e Njeriut dhe Komunitete – Drejtoria për Administratë Komunale në bashkëpunim me Drejtorinë për Arsim.

Qëllimi i këtij takimi ishte lidhur me paraqitjen e çështjeve dhe propozimeve të ndryshme nga anëtarët e Asamblesë (sigurinë në shkolla, transporti i nxënësve, gjendja e objekteve shkollore dhe mjedisit përreth, përfshirja e nxënësve në vendimmarrje) si dhe mundësia që asamblistët t'i drejtohen me pyetje Drejtorisë Komunale të Arsimit për çështje konkrete që ju interesojnë.

**Pjesëmarrës/e në takim ishin gjithsej 12 përfaqësues/e nga Asambleja prej tyre 5 M dhe 7 F.**

## 5. Aktivitetet e realizuara nga zyrtarët e Policisë në Istog:

**Objektiva Strategjike 1: Ofrimi i shërbimeve cilësore gjithëpërfshirëse për fëmijët në komunë**

**Objektiva specifike 1.9:** Promovimi shëndetësor, përmes informimit, komunikimit dhe edukimit

**Rezultatet 1.9:**

- Nga zyrtarë të Policisë në Istog është ligjëruar tema: “Pasojat e përdorimit të narkotikëve” me nxënës të shkollave nga SHFMU “Tre Dëshmorët e Shkollës Shqipe” në Uçë, FSHMU “Hysni Zajmi” në Vrellë, FSHMU “Mehmet Akif” në Shushicë, FSHMU “Martin Camaj” në Gurrakoc, SHFMU “Zymer Zeka” në Kaliban dhe FSHMU “Ani Rrustemi” në Zallq.

**Si rezultat të vetëdijesuar nga këto ligjërata janë gjithsej 175 nxënës/e**

**Objektiva Strategjike 2: Zbatimi i programeve të vetëdijesimit dhe avokimit për mirëqenien e fëmijëve**

**Objektiva specifike 2.2** Organizimi i fushatave vetëdijesuese për të rriturit dhe për fëmijët

**Rezultatet 2.2:**

- Nga zyrtarë të Policisë në Istog është ligjëruar tema: “Bullizmi dhe masat parandaluese” me nxënës të shkollave nga SHFMU “Trepça” në Banjë, FSHMU “Martin Camaj” në Gurrakoc, FSHMU “Bajram Curri” në Istog, FSHMU “Avni Rrustemi” në Zallq, SHFMU “Ismaili Qemali” në Saradran, FSHMU “Zymer Zeka” në Kaliban dhe FSHMU “Ndre Mjeda” në Rakosh.

**Si rezultat të vetëdijesuar nga këto ligjërata janë gjithsej 253 nxënës/e**

- Nga zyrtarë të Policisë në Istog është ligjëruar tema: “Dhuna në familje dhe dhuna ndaj fëmijëve” me nxënës të shkollës nga SHFMU “Bajram Curri” në Istog dhe temat “Narkotikët” dhe “Ngacimet Seksuale” IAAP “Mithat Frashëri” në Gurrakoc.

**Si rezultat të vetëdijesuar nga këto ligjërata janë gjithsej 73 nxënës/e**

- Nga zyrtarë të Policisë në Istog në 6 shkolla është ligjëruar tema: “Parandalimi i ngacmimeve seksuale dhe masat ligjore ndëshkimore”.

**Si rezultat të vetëdijesuar nga këto ligjërata janë gjithsej 199 nxënës/e**

- Nga zyrtarë të Policisë në Istog në 8 shkolla është ligjëruar tema: “Shumëllojshmëria si vlerë shoqërore”.

**Si rezultat të vetëdijesuar nga këto ligjërata janë gjithsej 263 nxënës/e**

- Nga zyrtarë të Policisë në Istog në 8 shkolla është ligjëruar tema: “Masat e sigurisë ndaj keqpërdorimit të internetit”.

**Si rezultat të vetëdijesuar nga këto ligjërata janë gjithsej 257 nxënës/e**

- Nga zyrtarë të Policisë në Istog në 8 shkolla është ligjëruar tema “Familjet e lumtura”.

**Si rezultat të vetëdijesuar nga këto ligjërata janë gjithsej 153 nxënës/e**

**Objektiva Strategjike 3:** Krijimi i hapësirave publike të sigurta dhe miqësore për fëmijët

**Objektiva specifike 3.1:** Sigurimi i sistemit të trafikut që është i sigurt dhe miqësor për fëmijët

**Rezultatet: 3.1:**

- Nga zyrtarë të Policisë në Istog është ligjëruar tema: “Siguria e qarkullimit të këmbësorëve në trafik” me nxënës të shkollave nga FSHMU “Hysni Zajmi” në Sudenicë dhe Prigodë, SHFMU “Bajram Curri” në Istog, FSHMU “Ndre Mjeda” në Rakosh, FSHMU “Martin Camaj” në Gurrakoc dhe “Avni Rrustemi” në Zallq.  
**Si rezultat të informuar nga këto ligjërata janë gjithsej 238 nxënës/e**
- Zbatimi i Planit Operativ “Kontrollimi i shtuar i transportit publik të udhëtarëve/nxënësve” ku nga ana e policisë janë kontrolluar 8 mjete të transportit të nxënësve dhe janë kontrolluar 196 nxënës. Nuk është hasur asgjë e dyshimtë.
- KFOR-i Italian në bashkëpunim me DKA-në Istog, në Stadiumin “Demush Mavraj” në Istog ka organizuar një aktivitet jashtë kurrikularë (rekreativo-sportiv), ku kanë marrë pjesë nxënësit e klasave të V (pesta) të shkollave fillore në nivel komunal, ku Njësia e Sektorëve ka bërë sigurimin për mbarëvajtjen e këtij aktiviteti.
- Me kërkesë të Drejtorisë së SHMUF “Martin Camaj” në Gurrakoc, është asistuar stafi i shkollës në mbarëvajtjen e një aktiviteti sportiv (kros). Aktiviteti është zhvilluar në Rr. 7 Marsi, ku nxënësit e kësaj shkollë kanë vrapuar, në distanca të ndryshme në këtë rrugë, deri në cak final në oborrin e shkollës. Patrulla e sektorit është përkujdesur për mbarëvajtjen e këtij aktiviteti, duke ndaluar qarkullimin e automjeteve në kohën sa ishte duke u zhvilluar ky aktivitet.
- Me rastin e festës së 1 Qershorit, Drejtoria për Kulturë, Rini dhe Sport në bashkëpunim me OJQ “Folklori i Podgurit Istog”, kanë organizuar një koncerti për fëmijë në Shtëpinë e Kulturës “Adem Jashari” në Istog. Në këtë manifestim kanë marrë pjesë rreth 450 fëmijë (kryesisht nxënës të SHFMU “Bajram Curri” – Istog). Patrulla e Sektorit dhe Njësitë e tjera të Stacionit Policor në Istog, kanë qenë të angazhuar në rregullimin e trafikut dhe sigurimin e lëvizjes së nxënësve nga objekti shkollës deri në shtëpinë e kulturës dhe anasjelltas.

**Objektiva Strategjike 4:** Zhvillimi i fëmijëve përmes sportit, lojës dhe rekreacionit

**Objektiva specifike 4.5:** Angazhimi i fëmijëve në aktivitete të lira dobiprurëse për komunitetin


**Rezultatet: 4.5:**

- Nga zyrtarë të Policisë në Istog është ligjëruar tema: “Ruajtja e ambientit dhe trashëgimisë kulturore” me nxënës të shkollave nga FSHMU “Zymer Zeka” në Kaliqan, FSHMU “Hysni Zajmi” në Vrellë, FSHMU “Martin Camaj” në Gurrakoc, “Avni Rrustemi” në Zallq, FSHMU “Trepça” në Banjë, FSHMU “Tre Dëshmorët e Shkollës Shqipe” në Uçë dhe FSHMU “Mehmet Akif” në Shushicë.  
**Si rezultat të informuar nga këto ligjërata janë gjithsej 212 nxënës/e**

**Sfidat e Raportimit të Planit të Punës për Ekipin Komunal për të Drejtat e Fëmijës Istog (2024 - 2026):**

- Sfida teknike dhe metodologjike për shkak që disa të dhëna nuk janë raportuar dhe sistemuar sipas indikatorëve specifik ashtu siç kërkohet në këtë Plan;
- Të dhënat nuk konsiderohen të jenë shumë të plota dhe të harmonizuara;
- Mungesa e një Ekipi të trajnuar për monitorim dhe raportim sepse jo të gjithë anëtarët e Ekipit e kanë përvojën ose njohuritë që të analizojnë dhe të interpretojnë të dhënat në mënyrën e duhur;

Sekretare e Ekipit  
Zyrtare për Mbrojtje  
të Fëmijëve dhe Riintegrim  
znj. Vlora Gjoci



Kryesues i Ekipit për të Drejtat Fëmijës  
Kryetari i Komunës  
/z. Ilir FERATI

